

Waerachtige Historie Van de Martelaers Van Gorcom

Estius, Wilhelm

Antwerpen, 1604

Capittel XXV. Hoe de soldaten de ghehanghenelichaemen hebben
ghetracteert.

[urn:nbn:de:hbz:466:1-64552](#)

nisse af / tot het epnde syng leuens toe hem sulcks niet ouer-gecomen en is / noch dat hy iet bedzeue heeft dat eenen wijsen man niet en soude betamen : maer hem wijselijck / gheschicktelyck ende patientelyck ghedraghen allen dien tydt ghederende / ghelyck oock van hem ghetupght hebben die met hem ghevanghen zijn gheweest.

C A P I T T E L x x v .

Hoe de soldaten de ghehangene lichaemen hebben ghetraecteert.

TOt noch toe hebben wy gesproken vande doodt der heyligher Martelaren : de welcke alle te samen ghehangen zijn gheweest aan eenen langhen balck / uyt-ghenomen vier : want aan eenen anderen balck hingh P. Gouaerd van Duynen / in't midden tusschen den Gardiaen ende eenen lecke-broeder ghenoemt B. Cornelis. De vierde P. Jacob vande Orden van Premonstrept was aende leere ghehanghen. Voordt hebben de beulen seer onachselijck hun officie ghedaen / niet daer naer vraghende oft de ghene die ghehanghen waren wel ghestropt zynde / haest verschedden oft niet. Want de rene bete opde coorde als op eenen brydel / de andere was boten op de kinne ghestropt / de andere wel op de kele / maer niet vast ghenoegh ghesloten. Waer deur geschiedde dat sy niet soo haest en stieren / ende dat sy seer langhe bleuen hanghen in seer groote tormenten : soo dat sommighe van hen / onder welcke was de weerdighe P. Nicasius / zijn bevonden noch leuende totten claren daghe : hier van is getunge gheweest die't seluer ghesien heeft broeder Henrick de lecke-broeder / dien de soldaten s'anderdaeghs met een roer op de schouder totter seluer

P plaetsen

Waerachtige Historie
plaetsen met hen hebben gheleydt / om gheen ander
oorsaecke daer weder-om comende / dan om dat sy
hunne cruele ooghen ende herten souden verslaeden
niet te aen-sien ende bespotten de dooden / die sy le-
uende ghehaett hadden / ghelyck wy ter-stondt seg-
ghen sullen . Voorz - aen met dit werck van de
Martelaers te dooden zijn sy omtrent twee uren be-
sigh gheweest . Want sy begonsten omtrent twee
uren naer den midder-nacht / ende hadden omtrent
de vier uren al ghedaen . Ter welcker uren binnen
Gozom is vertoont gheweest aen eenen goeden
Godt-vruchtighē man een wonderlyck ende merc-
helyck visioen tot ghetuighenis der heylighedt
ende glorie van dese nieuwe Martelaren . Maer wy
sullen het selue op een bequaemer plaetse verhaelen .
In deser manieren dan hebben dese heylighē man-
nen hunne belijdinge ende martyrie vromelijck vol-
eyndt inden nacht tusschen den achtsten ende ne-
ghensten dagh Julij / ende wisselende dit vergan-
ghelyck leuen met een glorieuse doodt hebben inden
Heere gherust . Maer de soldatē midts hunne vrem-
de Turcksche wreedtheyd / en hebben hunne moor-
dadighe handen niet connen stille houden / sonder
oock de af-lijuijge leelijck ende onweerdelyck te han-
delen . Inden eersten als sy - se heel naeckt hadden
upt - gheschudt / hebben de cleederen veur hen behou-
den . Maer daer mede niet te vreden zijnde / heb-
ben hen vervoordert de ooren / neusen ende de scha-
mel-heden des lichaems af te snijden . D'welck sy
op - naer aen alle de lichaemen hebben voordt-
ghestelt / den eenen roepende : Van dien Paep moet
ich een oore hebben / den anderen / Van dien Mo-
nick den neuse / den anderen de beschamelijke le-
den op het oneerlijcke noemende . Ende al-soo
heeft elck dat hem gheliefde vande doode lichaamen
af-

af-ghesneden ende met hem ghedraghen. Hoe wel dat B. Henrick verclaert heeft dat dus-danighe smadelijckheden sommighen van hen aen-ghedaen zijn noch leuende / als sy eerst ontleedt waren. Daer-en-bouen op datter aen hen-lieder upterste onghe-schicktheyd niet en soude ontbreken / hebben de ledekens die sy vande lichaamen der heyligher Martelaren ghenomen hadden / op hunne hoeden ghesteken/ ende als oft sy daer mede leer fraey hadden ghe-weest / ghelyck sy hen lieten veur staen / zijn sy met triumphe inde stadt ghecomen / ende de selue alg teekenen ende heerlycke wapenen van hunne vro-mitghedyt stellende op t'hooghste huns lichaems / hebben-se alle de straten vander stadt om-ghedraghen. Teghen welche menschen ich wel moghte roepen ende segghen: O Euangelisch stuck wercks! O vruchten van dit nieuw plantsoen! Iae: O lee-lijcke ende seld-same wreedhedyt/die onder t'decksel des Euangeliums ijt het spruytken deser nieuw-leeringhen ons sulcken schoone vruchten heeft voordt-ghebragt. Maer wie isser onder de menschen / wiens menschelijcke ghelintheyd noch niet teene-mael in beestelijckhedyt verandert en is/ die sonder schroom soude connen oft met sijn oogen aen-sien / oft emmers mette ghedachten bevoeden een schouw-spel al-soo af-grijselijck / soo leelijck ende soo onmenschelijck? Veur-waer dese ende dierghelycke zijn de wercken / deur de welche de Euangelische mannen hunne nieuwe ende vremde leerighen doen gheloouen / hun secte verbreyden / ende aller menschen ionste ende herten tot hen trekken. Waer - om dies te min sullen by die Goddelijcke recht-veerdigheyt verschont wesen alle de ghene die verlaten hebbende de Catholijcke kercke Christi/ met een verblint ende rasende bedryf hen hebben

ghckeert tot dit ghespuyss der menschen / bedroghen
wslende deur de ijdele hope van liberteyt oft vryg-
herdt / en niet wilende waer-neinen de waerschou-
winghe vanden Heere ons gheghuen : Aen hunne
vruchten sult dy se kennen / want sy ouer al deur de
selue hunne vruchten openlyk verraden ende ont-
deckt worden / als yemandt sijn oogen wilt
open doen .

C A P I T T E L X X V I .

Hoe de soldaten het vet uyt de doode lichaemen
hebben ghesneden om te vercoopen.

Al-noch en heeft der soldaten wreedheden te-
ghen de af-lijuighen niet te vreden gheweest:
maer van nieuwis met den brandt der gierigheyt
ontsteken zynnde / hebben sy als vleesch-houwers by-
naer alle de lichaemen in stukken ghesneden / de
brycken gheopent / het inghewandt deur-tast / de
lielen oft nier-bedden ghesocht / om t'selue te ver-
coopen ende geldt daer af te crighen. Want sy lieten
hem wijs maeckē dat het menschen-vet beter is als
andere / en sonderlinghe dienende tot medicijnen te
maecken. Namentlyck hebben sy ghenomen het li-
ichaem van P. Hieronymus Vicarius dat dick en-
de vet was / ende hebben dat opde leere ghebonden/
ghelyck men in Hollandt de verchenen doet als sy
gheslaghen worden/ ende open-snydende den bryck
ende de borste / hebben de ribben op-ghespannen/
om bequamenlyck het in-ghewandt te deur-soekē/
ende alle het vet te vergaderen ende wegh te nemen.
Waer deur gheschiedt is / dat sy d' lichaem heel deur-
soekende / t'selue mit messen aen alle canten seer
mis-maeckt hebben ghelacten . Ende vergadert
hebbende het vet vande nieren ende d' ander resten /
hebben